



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr. 60/01-21699/23
Kaçanik, 08.09.2023

PROCESVERBAL

Nga Diskutimi publik me qytetarë, administratorë të fshatrave, vendbanimeve dhe lagjeve urbane, OJQ, përfaqësues të shkollave dhe grupe tjera të interesit, organizuar nga Kryesuesi i KK në konsultim me Komitetin për Politikë dhe Financa-KPF.

Diskutimi publik u mbajt me 08 shtator 2023 në katin III në sallën e KK, me fillim pune në ora 11:00.

Evidenca e pjesëmarrësve është si në listën e bashkëngjitur (përfaqësues nga OJQ, grupe tjera të interesit, administratorë të fshatrave, anëtarë të KK, anëtarë nga ekzekutivi i komunës).

Diskutimin publik e kryesoj Kemal Murseli, Kryesues i Kuvendit,
Procesmbajtëse: Makfire Malsiu.

Tema: Propozim Buxheti për vitin fiskal 2024 dhe vlerësimet për vitet 2025-2026.

Kryesuesi i Kuvendit - Kemal Murseli- Fillimisht i njoftoj pjesëmarrësit për aktivitetin e Ekzekutivit të komunës në mbajtën e dëgjimeve publike për buxhetin, draftin ia ka përcjellë KK ashtu si e përcakton LVL. Gjatë kësaj periudhe është në obligim ligjor organizimi dhe mbajtja e dëgjimit publik e Kryesuesit të KK në bashkëpunim me KPF para se të dalë drafti në KK. Ligji e përcakton qartë që qytetarët bëhen pjesë e vendimmarrjes në dëgjime publike para miratimit final në KK. Buxheti i vitit 2024 është 11,958,983.00€. Shpenzimet buxhetore janë të ndara në 5 shtylla: Paga dhe Mëditje, Mallra dhe Shërbime, Shërbime Komunale; Subvencione dhe Transfere, Investime Kapitale. Për sqarime me të hollësishme mund të na japin, Nënkyetari i Komunës-Sabedin Vishi dhe Drejtori për Buxhet dhe Financa-Bahri Selimi.

Nënkyetari i Komunës- Sabedin Vishi: Ky është diskutimi i fundit i buxhetit. Buxheti i vitit 2024 është: 11,958,983.00€. Ne si ekzekutiv me të gjitha drejtoritë, kemi mbajtur debate të ndryshme për buxhetin, me të gjitha kategoritë, qytetarët, OJQ, këshillat me të mëdha të fshatrave, shëndetësinë, dhe grupet tjera të interesit, jemi munduar me i inkorporuar kërkesat për ndarje buxhetore. Në listën e prioritete është bërë orientimi i tyre, nuk d.m.th. që nuk ndryshon deri me 30.09.2023. Krahasuar me buxhetin 2023, kemi rritje të buxhetit për 12.03%. Sqarimet i jep me të detaje drejtori i DBF. Kërkoj nga ju t'i jepni kërkesat për orientime e juaja të projekteve, në përputhje me buxhetin. Kërkesat janë të gjitha të arsyeshme, por ne do të mundohem me iu dhënë prioritet atyre me të nevojshme.

Drejtori i DBF- Bahri Selimi: Sqaroj për buxhetin e projektuar për vitin 2024 dhe vlerësimet për vitet 2025-2026 dhe diskutimet publike të mbajtura nga ekzekutivi i komunës. Buxhetin e kemi në kornizat finale. Buxheti i vitit 2024 është 11,958,983.00 €,

kemi ngritje për 12.03%. në masë monetare 1, 284,294.00€, e cila rritje shkon në paga dhe mëditje për shkak të ndryshimit të Ligjit të pagave. Për kundër kësaj, jemi munduar në kategoritë tjera të bëjmë kursime, që shkalla e Investimeve Kapitale(IK) mos të bie nën nivelin që ka qenë. Për Investime Kapitale (IK) i kemi nda 3,162,761€, kemi ngritur IK duke pa kërkesat e juaja të arsyeshme në dëgjime publike. Shpërndarja buxhetore është si vijon: Paga dhe Mëditje, 6,759,179€, Mallra dhe Shërbime,1,421,513€, ShërbimeKomunale,200,000€,Subvencione dhe Transfere, 415,529€. Listën e projekteve kapitale të planifikuara për vitin 2024, drafti na përcjellët neve me ndonjë ndryshim dhe finalizohet për KK, kështu që shfrytëzoni këtë rast për diskutim.

Kryesuesi i Kuvendit-Kemal Murseli: I dëgjuat sqarimet e ekzekutivit të komunës, e hapi debatin:

z. Naser Murseli- Administrator i f. Doganaj: Në listën e prioriteteve është kodi: Ndërtimi i trotuarit në rrugën “ Ahmet Kaçiku”, nga segmenti i restorant “Natyra”- “Fusha e Pajtimit” ku janë ndarë, 70,000€. Propozoj që këtij kodi t’i shtohet edhe shuma 100,000€ në fazën e I, ndërkaq shtoj se rruga është e frekuentuar, për shkak të zhvillimit të veprimtarive të bizneseve etj., kalimi i fëmijëve për në shkollë në këtë rrugë, paraqet rrezik për ta, kur dihet se ka pasur edhe aksidente me fatalitet në atë pjesë.

z. Kemal Murseli-Kryesues i Kuvendit: Mbrëmë me Kryetarin e Komunës Besim Ilazi, patëm një takim me komitetin e bizneseve, ku e kanë paraqitur si kërkesë shumë të arsyeshme, për shkak se në këtë aks rrugorë operojnë mbi 90 biznese me mbi 500 punëtorë, pa trotuar dhe ndriçim publik. Arsyeja e komunës është se ajo rrugë është nën administrimin e ministrisë, dhe kjo nuk është bërë që 23 vjet, andaj është mirë që të llobojmë për këtë çështje, sepse ka pasur raste edhe me fatalitet. Meqë jam banor i asaj ane, edhe unë po e paraqes si nevojë dhe kërkesë, për shkak se është rrugë e frekuentuar dhe me rrezikshmëri.

z. Vehbi Berisha – f. Runjevë: Unë kam fjalë miradije për punën e KK, sepse çdo rrugicë është shtruar me asfalt. Kur është bërë kanalizimi në fshatin Runjevë është veçuar lagjja “Ukë Meta”, arsyet i dini ju, ndërsa gjendja është e mjerueshme. Unë mendoj që disa probleme mund të kenë zgjedhje për arsye se kanalizimi në këtë lagje është shkaktarë kompania që i ka dhanë këto shtylla për ndriçim publik, uji vazhdimisht rrjedh në rrugë edhe era është pa durueshme. Aty ka shtëpi, po thuajse që një vit banorët janë të mllëfosur kërkoj që ta mbyllni atë gyp të kanalizimit. Tjetër problem është ura te shkolla shumë ngushtë, është ndërtuar në vitin 1982, kur dihet se kalojnë makineritë të rënda ku ajo urë është në rrezik për shembje. Kërkesë tjetër mendoj që është për nxënësit për një trotuar i cili do të shpëton jetën e nxënësve në fshatin Runjevë. Preventiva është shumë me rëndësi edhe në qytet sinajlistika të çerdhja e vjetër ku po ndërtohet sheshi, aty rruga është asfaltuar vetëm një shtresë, rruga një kahesh ka një pamje jashtëzakonisht të dobët.

z. Fatmir Bunjaku- Përfaqësues i f. Biçec- Anëtar i KK -PDK: Kërkoj të hynë në prioritet të buxhetit, projekti: Zgjerimi i rrugës së dëshmorit, ‘Fadil Bunjaku’, sepse rruga për momentin nuk i plotëson kushtet për ato lagje që i përfshinë. Kjo rrugë përfshinë 4 lagje deri të lagja Shorra, përmes së cilës udhëtojnë nxënësit e këtyre lagjeve.

znj. Ardita Rrahmani- Anëtare e KK - LDK: I kam 2 kërkesa:

1. Rruga “Malsor Dashi” që lidhë Dushkajën me f. Stagovë konkretisht deri varrezat e reja të qytetit, rrugë kjo e cila nuk ka as trotuar as ndriçim publik, ndërkaq zgjerimi i qytetit

nuk ka alternativë tjetër përpos në atë pjesë. Kjo është kërkesë e imja e kamotshme, që 2 vite, ndërkaq e pash që të DSHPE janë edhe 3 kode të reja, por kjo kërkesë po shihet se nuk ka kaluar as në dëgjim publik. Kërkoj nga Ekzekutivi të merret parasysh kjo kërkesë.

2. Kërkoj të ndahet një buxhet Grupit jo formal të grave asambleiste, për zhvillimin e aktiviteteve të saj në vitin 2024. GGA është grup jo formal, ndërkaq funksionon në kuadër të KK. Gjatë vitit 2023 ky grup pavarësisht vullnetit të kryetarit dhe kryesuesit të cilët e kanë pasur përkrahjen e aktiviteteve tona, nuk kemi mundur me i realizuar në mungesë të buxhetit.

z. Nexhmedin Lika-Administrator i f. Strazhë: Kërkoj me hyrë në prioritet: Ndërtimi i dy rrugicave në f. Strazhë me nga 200m gjatësi. Këtë kërkesë e kam nga viti 2020. Kërkoj t'iu epët prioritet këtyre 2 rrugicave, sepse në ato rrugica janë duke banuar 7-8 familje, dhe nëse nuk realizohen, unë nuk kam arsye si me qëndruar përfaqësues i fshatit.

z. Fadil Vishi-Administrator i f. Dubravë: 1. Çështja e ujit të pijes, për kundër që është investuar në vitin e kaluar nga komuna në ujësjellës, uji nuk hyn në rezervar. Kërkoj që këtë çështje me sqaruar me kompaninë e ujësjellësit që e ka në mbikëqyrje, se ata paraqiten se ende nuk kanë vendim për mirëmbajtje të ujësjellësit. Uji derdhet, qytetarët vuajnë për ujë, ndërkaq nuk lejohet me u kyçur në rezervar.

2. Të Projekti me nr. 36. Ndërtimi i shtretërve të lumenjve dhe përroskave, kërkoj me u cekur ndërtimi i shtretërve, të dimë se a jemi të përfshirë në këtë prioritet.

3. Kërkoj të hynë në prioritet: Vazhdimi i ndërtimit të trotuarit prej shtëpisë së Stagovëve, me u bërë edhe Ndriçimi publik në atë pjesë, deri të Varrezat e Dëshmorëve.

4. Një shqetësim që është brengosë-ditëve të fundit, Brahimi ndoshta është me në ngjarje, edhe unë kam pasur ftesa, me na dhënë sqarim rreth ndërtimit të hidrocentraleve që kanë filluar me u ndërtuar në lumin lepenç. A kanë leje, a kanë pëlqim apo leje nga niveli qendror, çfarë dokumentacioni kanë nga niveli lokal, se ka kërkesë për protestë për çështjen hidrocentralit. Nëse ju i keni lëshuar dokument, ne duhet ta dimë, të bazohemi diku se a është duke punuar krye në veti apo ka dokument prej komunës.

Kemi edhe kërkesa tjera, si të çështja e rrugicave, por për momentin janë këto kërkesa që i potencova.

z. Hysni Terziu - f. Sllatinë: F. Sllatinë është me i prapambeturi sa i përket infrastrukturës. Ka pasur mungesë të rrymës, kemi pasur kërkesa deri në Prishtinë, ata të rrymës kanë dalë në vendngjarje me incizuar gjendjen, por nuk kanë mundur në mungesë të infrastrukturës dhe kanë kërkuar nga komuniteti një traktor me shkuar deri atje. Në këtë kohë mos me pasur mundësi me shkuar automjeti, nuk është në rregull. Buxheti është i vogël, ndërkaq nuk ka projekte për këtë fshat. Kërkesa ime është që projektet që janë imediate, të kryhen menjëherë.

1. Kërkoj që një rrugë e f. Sllatinë që është 500m gjatësi, sivjet të shtohet me asfalt. Është kërkesë e qytetarëve të këtij fshati që të bëhet shtrimi i disa rrugicave deri të shtëpitë e tyre.

2. Çështja e ujit të pijes, edhe kjo është imediate, ujë të pijes nuk ka ky fshat, duhet marrë veprime të nevojshme për me zgjidhur këtë problem, në mënyrë që qytetarët që janë aty mos të largohen nga vendi dhe mundësia e kthimit të atyre që janë larguar nga ky vend, se ekziston mundësia të kthehen, nëse krijohen kushtet infrastrukturore.

z. Kemal Murseli- Kryesues i Kuvendit: Ne jemi komunë e vogël me buxhet të vogël, ndërkaq këtë vit vitin paraprak dhe vitin vijues nuk kemi pasur ndonjë projekt që është mbështetur nga niveli qendror. Nevojat dhe kërkesat janë të mëdha, buxheti është i vogël

për IK. Vullnet ekziston i organeve të komunës për miratimin e çdo kërkesë, por duhet miratuar ato që janë me prioritete, se duhet të sillemi brenda mundësive buxhetore.

z. Sabedin Vishi-Nënkryetar i Komunës: Po ia nisi prej kërkesave të fundit: Çështja e rrymës, nuk është në kompetencë të komunës. Të çështja e rrugicave dhe kanalizimeve, 100-200 metra, kemi kode të veçanta ku i përfshijmë gjatë vitit rrugicat dhe kanalizimet. Të uji i pijes, në vitin 2022, i kemi ndarë mjete për ujë, kemi investuar fillimisht në 7 fshatra, se probleme se është përfshirë edhe uji i përroskës gjatë të reshurave atmosferike. Janë vendosur 900 ujëmatës, janë pastruar të gjitha basenet, basenet janë mbyllë dhe i ka kaluar bifurkacionit. Nëse nuk e ka me letra bifurkacioni, atëherë pse po i eliminon defektet kur po ndodhin. Ka mbetur me ua bartë kompanisë edhe disa asete të pusi që është hapë në vitin e kaluar, ndërsa ne nuk mundemi me iu përzier në fushën e menaxhimit, kompania i jep llogari nivelit qendror. Derisa nuk paguajmë, ujë keqpërdoret dhe vendet në lartësi mbesin pa ujë. Sivjet janë ndarë 150,000€ për ujë, vitin tjetër 75,000€. Të trotuaret, përroskat janë ndarë 150,000€. DUKMM duhet t'i sjell projektet në përputhje me këtë vlerë që e kemi. Në Strazhë, të kërkesat e Nexhmedin Lika, rrugicat bëhen vitin tjetër. Të kërkesa e znj. Rrahmani, rruga "Malsor Dashi" është e arsyeshme, nuk e di a do të mundemi me futur apo jo në këtë projekt buxhetor. Të kërkesa për ndarje të mjeteve Grupit të grave asambleiste, për zhvillimin e aktiviteteve të tyre, mos të mbetet faji te ne se vjet kërkesa ka qenë e vonuar, sivjet është me kohë.

Të kërkesa e Fatmir Bunjaku, ka qenë fillimisht kërkesa për kanalizim në f. Biçec, ka dalë gjeodeti, se a ka probleme pronësore juridike dhe kemi me punuar në këtë drejtim. Të kërkesa e z. Berisha, a keni pasur me herët kërkesë me shkrim, sa është gjatësia, se i kemi kërkesat në kuadër të kodit që e potencova.

Vehbi Berisha– f. Runjevë:: Rruga është 300-400 metra, ndërkaq kërkoj të merrni veprime të nevojshme që trotuari i kësaj rruge të realizohet dhe ndriçimi publik.

z. Sabedin Vishi- Nënkryetari i Komunës: Në rregull, e shënova këtë projekt në kuadër të projektit të rrugëve të vogla. Të pyetja e Naser Murseli, çështjen e trotuarit në rrugën "Ahmet Kaçiku" e elaboroj edhe Kryesuesi i KK. Rruga është e frekuentuar, ka biznese që afarojnë që gjenerojnë vende të reja të punës, është afër autostradës, kërkesa është e arsyeshme, kjo kërkesë është edhe e disa fshatrave tjera të asaj zone. Deri tani nuk kas hyrë në prioritete, sepse rrugët regjionale i ka ministria. Ne kemi marrë vendim i kemi ndarë 70,000€ dhe do të shtohen mjete për këtë projekt, mbështetje nuk kemi nga niveli qendror. Ka kërkesa nga viti 2018-2019 për të cilat qeveria nuk ka proceduar mjete me i përfunduar. Kërkesat janë të arsyeshme, çështja është e buxhetit të limituar, 3,162,761€ se mjetet tjera shkojnë për kategoritë tjera shpenzuese buxhetore.

z. Fadil Vishi-Administrator i f. Dubravë: Të çështja e ujësjellësit, marrëveshja me Bifurkacionin nuk është e qartë. E lexoj marrëveshjen, ndërkaq shtoj se drejtori nuk e pranon se ka bërë marrëveshje. Qytetarët e komunitetit tonë kanë shpreh gatishmëri me dalë me lidhë vet ujin, pa marrë parasysh koston dhe pasojave ligjore.

z. Qendrim Vogliqi- Administrator i f. Gërllicë e Epërme: Fillimisht kërkoj me ditur se a po mbahet procesverbal për debatet e organizuara, sepse kërkesat tona po janë të përgjysmuara, dhe do ishte mirë të kishte edhe video incizim.
Kërkesat:

1. Janë do kërkesa nga viti 2018: Ndërtimi i rrugicave. Kërkesat i kanë DUKMM dhe DSHPE.

2. Ndërtimi i kanalizimit atmosferik, të pjesa e varrezave të fshatit, pjesa ku janë dhënë pronat në shfrytëzim, është mirë me ua krijuar infrastrukturën bizneseve sepse gjenerojnë vende të reja të punës.
3. Ndriçimi publik që e kemi bërë me vet kontribut që 2 muaj është ndalë, ndërkaq ndriçimi i ri publik, nuk është bërë funksional.
4. Inspektorët duhet me bërë verifikim çështjen e kanalizimeve, sepse ka shtëpi që nuk janë të kyçura fare në kanalizim, sepse kanalizimet a atyre shtëpive po shkarkohen në ambiente të hapura dhe nëpër rrugë.
5. Të Projektet kapitale 2024-2026, ka projekte të mira, ka disa që na duhen sqarime, si:
 - Projekti i asfaltimit të rrugës “Hamzë Jashari” segmenti të fabrika e Silcaporit-Rakaj, kërkoj sqarim a është shpallë zonë interesi ajo pjesë, ndërkaq sa e di unë, aty nuk ka banim.
 - Projekte të ndryshme infrastrukturore, 895, 000€, a hynë në këtë kod buxhetor projektet infrastrukturore, si; kanalizimet, rrugët.
 - Ndërtimi i objektit kullë mbi lumin Lepenc. Çka nënkupton ky projekt?
 - Ndërtimi i rrugës për në Luboten. Edhe këtu është mirë dikush me dhënë një sqarim.
 - Rregullimi dhe asfaltimi i rrugëve rurale në Kaçanik. është mirë me i specifikuar se në cilat fshatra do të asfaltohen rrugët, që mos të fokusohen krejt me një fshat e fshatrat tjera me mbetur anash.

Unë në një debat publik kam thënë: Në ato fshatra ku nuk ka kanalizim dhe ujësjellës, nuk ka nevojë fillimisht të asfaltohen rrugët, pa iu dhënë prioritet fillimisht ujit dhe kanalizimit. Për derisa kolegët i mi këtu kërkojnë kanalizim, unë nuk kërkoj asfalt, pa iu bërë kanalizimi atij komuniteti.

-Ndërtimi i depos dhe garazhë në QKMF, 150,000€. Me ka ra me pa shpesh të evidentuar këtë projekt. Nuk e di a ka përfunduar ky projekt dhe sa garazha janë ndërtuar?

Tani po ndalem të projektet e DKRS:

Kur ishte festa e 7 shtatorit” Ditës së Kushtetutës së Republikës së Kosovës të vitit 1990, dje ishte 33 vjetori, ndërkaq pati shumë postime për këtë datë, ndërkaq në anën tjetër, po të shikojmë sallën ku u shpallë Pavarësia e Kosovës, salla e vogël e shtëpisë së Kulturës “Xheladin Kurtaj” është në gjendje të mjerueshme, nuk është arritur që sa vjet me u bërë një restaurim i saj. Ajo sallë donë restaurim apo bërë muze. Kërkoj që restaurimi i sallës së vogël në shtëpinë e kulturës me e futur në prioritet. Pavarësisht subjekteve politike që na përfaqësojnë në KK, është mirë këtë projekt me shtyrë përpara. Nuk po them me anuluar projektin: Rregullimin e varrezave të dëshmorëve dhe veteranëve, e kisha anuluar projektin: Rregullimin e terreneve sportive. Edhe Projekti i ndërtimit të stadiumit të qytetit, shumë 15,000€ nuk janë shumë këto mjete, se stadiumi i plotëson kushtet se është i ndërtuar.

z. Sabedin Vishi- Nënkyetar i Komunës: Çështja e sallës ku u shpallë Kushtetuta e Republikës së Kosovës, është bërë lyrya dhe ndriçimi i sallës, ndërkaq është monument i mbrojtur dhe nuk kanë lejuar karrikave me ua humbur origjinalitetin. Ju jeni profesionist dhe në momentin që një objekt kulturor shpallet trashëgimi kulturore, nuk lejohet me bërë ndërhyrje. Drejtoresha ka pasur gatishmëri me investuar, por çështja është se ka hasur në probleme. Çështja e stadiumit, projekti ka ngelur në gjysmë, është projekt i ministrisë, i kemi paraparë 5,000€, jo 15,000 €, po presim nga ministria donacione për tre vjet për realizimin e projektit. Krejt projektet me kode nga 5,000€ janë me ua mundësuar projekteve me u koduar, ndërkaq presim investime nga niveli qendror.

Rruga” Hamzë Jashari” sivjet janë lidhë 2 kontrata me 2 biznese të reja për zhvillimin e bizneseve, është teren i mirë për operim të bizneseve, se kur na vijnë biznese serioze, ne jemi të gatshëm me iu përgjigjur kërkesave të tyre në afate ligjore, në mënyrë që të gjenerojmë vende të reja të punës dhe të administrojmë zhvillimin e komunës, që ka qenë prioritet i kryetarit të komunës. Kjo rrugë është lënë kod buxhetor, në mënyrë që me pasur mundësi me investuar që bizneseve me ua krijuar infrastrukturën për me operuar.

Të mirëmbajtja e ndriçimit publik, është e vërtetë se kemi pasur probleme, të ju jo, por kemi pasur probleme që 8 muaj në procedura, në momentin që fitohet projektin me ligj të prokurimit kontratën kornizë për mirëmbajtje një operator, nëse ka ankesa, duhet të pritët afati ligjor i ankesave. Ankesat kanë shkuar në OSHP. Jemi detyruar me bërë një kontratë nën shumën 10,000€ që është e lejueshme, që se paku me përmirësuar shërbimin te rrugët kryesore dhe janë përmirësuar apo janë në përmirësim e sipër. Ndërkaq nuk kemi kontratë përfundimtare me asnjë operator, për shkak të procedurave, ndërkaq kemi mbetur keq sa i përket mirëmbajtjes, se vetëm në ndriçimin publik të rrugës së Dubravës mungojnë mbi 40 drita. Të Projekti, Ndërtimi i objektit kullë mbi lumin lepenç, ky është atraksion për zhvillimin e turizmit, se Kaçaniku ka potencial për zhvillimin e turizmit. Ky projekt është në vendin ku bëhet bashkimi i dy lumenjve, drejtoresha e ka pasur një takim me zëvendësministrin e zhvillimit ekonomik

znj. Pranvera Loku-Zharku- Drejtor i Zhvillim Ekonomik dhe Turizëm: Ky projekti, Ndërtimi i rrugës për Luboten, projekti është dërguar në ministrinë e zhvillimit ekonomik, për prezantim në konferencë me donator dhe kjo është arsyeja që e kemi futur si kod buxhetor, që në rast së mbështetët nga donator. Këto projekte kanë qenë edhe në platformën e qeverisjes Ilazi.

z. Bahri Selimi- Drejtor i Buxhetit dhe Financave: Projekti me nr. 47, ka të bëjmë të shëndetësia. Të shëndetësia Qëndrim, nëse shtojmë apo zvogëlojmë mjetet buxhetore, nuk mundem me i shpërndarë në projekte të sektorëve të tjerë, sepse është grant specifik i shëndetësisë. Granti specifik i shëndetësisë dhe granti specifik i arsimit nuk munden të shpërndahen në projektet e përgjithshme që i kemi. Ky projekt është projekt i ri, nuk është përmend ky projekt, bëhet fjalë për t'i ruajtur pajisjet themelore: asetet, veturat, autoambulancat , që për momentin nuk kanë vend të mbrojtur. Ky projekt edhe nëse hiqet, mjetet përsëri mbesin në projekte të shëndetësisë. Granti specifik i arsimit, binduni se 50,000€ na i lejon formula për me financuar arsimin për investime kapitale. Të arsimit fillor në vitin 2024 janë ndarë 325,000€, të arsimit i mesëm 150,000 €, ndërsa me formulë janë 50,000€ me u financua me buxhet komunal. Përgjegjësia për ndërtimin e shkollave është e ministrisë, por duke e pa që kanë çaluar në këtë drejtim, ne po mundohemi me bërë investime me buxhet komunal. Kontributi i juaj në debate publike, është i çmuar për mua, i prek do çështje shumë të rëndësishme, e përmende që dikush nuk ka ujë dhe kanalizim, mirëpo buxheti i po shpërndahet i alokuar në shumë projekte, po mbesim pa i kryer projektet e mëdha, siç është uji i pijes. Po e financojmë projektet që janë në përgjegjësi të nivelit qendror, me mjete nga niveli komunal, kështu që detyrat që janë në përgjegjësi tonë, po na mbesin pa i kryer, për shkak se nuk po përkrahemi nga ministria.

znj. Hafize Sallahi- Drejtor i Kulturës, Rinisë dhe Sportit: Përgjigje për trashëgiminë kulturore për Qëndrimin dhe për të gjithë qytetarët, se po keqkuptohemi sa i përket trashëgimisë kulturore. Unë vjet kam ndarë një buxhet nga Mallrat dhe Shërbimet për sallën 7 shtatori, për renovimin e saj, por qendra e rajonit të Ferizajt për trashëgimi kulturore nuk lejon asnjë intervenim të objekteve që janë të mbrojtura nga trashëgimia kulturore. Salla e 7 shtatorit është trashëgimi kulturore nga viti 2010, dhe është lejuar ë

vetëm ngjyrosja dhe ndriçimi artificial i sallës. Për karrikat e kemi bërë kërkesën në ministri, por nuk lejohet se duhet me u gjetur i njëjti stof dhe ngjyra e njëjtë, nuk ka prodhim më të atij lloj stofi, se është i vitit 1985. Tani jemi në hartim të një projekti, me na lejuar ministria se ndryshuar se paku materialin, se ngjyra nuk lejohet. Të objektet që janë në trashëgimi kulturore nuk lejohet asnjë intervenim. Në f. Glloboçicë është një objekt i mbrojtur i vitit 1930, që paraqet rrezik për banorët e asaj lagje, kam bërë kërkesë në ministri, mirëpo deri tani nuk është bërë asnjë intervenim. Të çështja e kodit për stadiumin e qytetit, janë 5,000€, për intervenimet që i përkasin komunës, si: bankinat, rrjetat, rrethojë, ndërrimi i ndonjë dere etj. se Federata e sportit nuk lejon me u zhvilluar lojërat nëse fusha i plotëson kushtet, për atë ndahet buxhet çdo vit, ndërkaq projekti madhor është i ministrisë, deri me tani nuk kemi asnjë njoftim.

z. Brahim Dalloshi-Administrator i f. Soponicë- Sllatinë: Për çështjen e ndërtimit të rrugicave të f. Sllatinë, unë kam pasur kontakte me dy drejtorë: Ramadushin dhe Qamilin, nuk kam çka me fol për këtë çështje, pasi që drejtorët nuk janë prezentë në debat. Për çështjen e hidrocentraleve që e ngriti Fadil Vishi, është një problem i madh që ne as vet nuk po e dimë sesi me vepruar. Po iu njoftoj se në ditën e hënë e kemi organizuar një protestë me qytetarë, kundër punë kryesit, unë po e quaj uzurpatorit të lumit, në të cilin lum rrjedhin edhe disa kanalizime. Nëse uji hynë në atë gyp, atëherë në banorët e asaj ane duhet të largohemi nga ajo pjesë. Si administrator i fshatit, kërkoj të merrni pjesë në atë protestë, që të protestojmë kundër punë kryesit të hidrocentralit mbi lumin lepenç.

z. Kadri Dardhishta- Administrator i f. Këshillit të qendrës urbane-Zona I: I kam do kërkesa jo të mëdha që i kam përsëritur në takime publike, si - Zgjerimi i rrugës për këmbësorë në rrugën "Avdrrahim Shehu", sepse paraqet rrezik për këmbësor sidomos për fëmijë. Ky projekt nuk është shumë i kushtueshëm. -Një kërkesë e kemi pasur për gypa të xhamia, gypat na i ka sjellë drejtori Ramadush Osmani, tani çështja është e hapjes së kanalit, me pasur mundësi me na e siguruar hapjen e kanalit me ekskavator, se nuk po kemi mundësi me mjete vetanake, se gypat kanë ngelur mbi sipërfaqe. Nëse vendosen ata gypa, rruga "Kijani Bela" është zgjeruar, me bërë edhe për këmbësor dhe njëfarë korite me i futur gypat. Kjo nuk kushton shumë, nëse nuk ka mundësi me u realizuar në këtë vit, vitin tjetër me realizuar. Një kërkesë e kam të rruga "Shefket Ferra", të pjesa lartë që ka ngelë pa shtruar, ishte thyer kapaku i kanalizimit. Kërkesën e kam adresuar në komunë, ndërkaq me thanë se e ke adresuar në adresë të gabuar. Gypi është mbushur dhe krijon erë të kanalizimit.

z. Sabedin Vishi-Nënkryetar i Komunës: Në rast se janë në menaxhim të ujësjellësit, e kanë në obligim kompania, se fatura i paguhet për ujë dhe kanalizim kompanisë dhe çdo prishje e rregullon kompania. Nëse nuk janë në menaxhim të kompanisë, atëherë është në kompetencë të komunës.

z. Kadri Dardhishta- Administrator i f. Këshillit të qendrës urbane-Zona I Unë si kërkesë e kam adresuar, ndërkaq nuk e di se në menaxhim të kujt është. Me vjen mirë që është punuar, se nuk mundemi me thënë që nuk është punuar, por nganjëherë do çështje mbesin për pak. E pash që ishte duke u ndërtuar një muri atje, dhe kjo është shumë mirë. Çështja e rrugës është shumë me rëndësi se kalojnë fëmijët, ndërkaq një kërkesë me kanë adresuar me pas mbrojtëse ajo rrugë, se rrugët diku po janë me trotuar, diku jo.

znj. Ardita Rrahmani- Anëtare e KK- LDK: E kam një kërkesë për DA, ka të bëjë me Çerdhen publike, e cila i plotëson të gjitha kushtet, ndërkaq e di se ka kërkesë nga stafi për

shtimin e shtretërve për fëmijë, për arsye se ka mungesë se është numri i vogël, përndryshe kushtet në çerdhe të fëmijëve janë fantastike.

znj. Florina lika-Vishi- Anëtare e KK-PDK : Duke ditur se numri i fëmijëve me nevoja të veçanta, dita ditës është në rritje, kërkoj nga ju ndarjen e një buxheti të veçantë për këtë kategori, që t'iu mundësohet arsimimi dhe edukimi me i mirë dhe gjithëpërfshirës, duke ditur se drejtorët e shkollave kanë buxhet jo të mjaftueshëm, ndërkaq kërkesat dhe nevojat e tyre janë të papërbalueshme për drejtorinë.

z. Qëndrim Vogliqi- Administrator i Gërlicës e Epërme: Të ndriçimi publik në f. Gërlicë, u keqkuptuam me nënkryetarin, ndriçimin publik e mirëmbajmë ne vet komuniteti. Ndriçimi i ri që është duke u bërë, e kanë ç kyçur ndriçimin e vjetër. Duhet me marrë veprime të nevojshme për me pasur ndriçim publik komuniteti. Tjetra, me ua mundësuar bizneseve krijimin e infrastrukturës, ashtu siç po ua mundësoni të rruga "Hamzë Jashari" me ua mundësuar edhe atyre të Natyrës, se aty janë kompanitë me të mëdha të cilat gjenerojnë vende të punës- mbi 70 punëtorë, e jo bizneset me mjetet e veta me krijuar infrastrukturën.

z. Kemal Murseli-Kryesues i Kuvendit: Rruga "Hamzë Jashari" është kategori e veçantë, është rrugë e cila ekziston kaherë, rrugë që e lidhë Kaçanikun dhe Ferizajn. Ajo rrugë nuk bëhet vetëm për biznese, por bëhet për krejt qytetarët e komunës se është e frekuentuar dhe kur nuk kanë ekzistuar rrugët tjera, përmes asaj rruge kanë shkuar qytetarët në Ferizaj. Kjo rrugë lidhë disa fshatra, Doganaj, Rakaj, Koxhaj. Bizneset për të cilat po flisni ju, e kanë asfaltin 20m afër, ndërsa kjo rrugë me km. Në momentin që KK ka vendosur me bërë zonë ekonomike atë pjesë, është e logjikshme të bëhet e qarkullueshme. Kërkesa ime ka qenë që ajo rrugë me u ndërtuar deri në Gërlicë dhe me u lidhë me rrugën e Ferizajt, se kjo rrugë i lidhë dy komuna. Është rrugë me rëndësi për komunën tonë, por kostoja e madhe na ka lënë deri sot pa e ndërtuar.

z. Qëndrim Vogliqi- Administrator i Gërlicës e Epërme: Pyetje për drejtoreshën e DKRS, që tha se nuk restaurohet salla e vogël të shtëpia e kulturës, për arsyet e cekura. Unë me profesion jam inxhinier dhe nuk ka punë që nuk mund të kryhet, vetëm duhet me u angazhuar. Rast konkret i restaurimit të objektit të trashëgimisë kulturore është, shkolla e parë e gjuhës shqipe në Stubëll të Vitisë.

znj. Laureta Vogliqi-Gërlicë e Epërme: I ceku edhe Qëndrimi, rregullimin e varrezave të dëshmorëve dhe rregullimi i terreneve sportive. Unë si artiste që jam e kësaj fushe, po e shoh se, nëse rregullimi i varrezave të dëshmorëve hynë në pjesën kulturore, atëherë kjo duhet me kaluar në kategorinë e restaurimit të trashëgimisë kulturore të Kaçanikut. Rregullimi i terreneve sportive, a hynë kjo në pjesën kulturore, besoj se këto dyja kalojnë në DSHPE, se kemi të bëjmë me shërbime publike. Sa i përket OJQ që unë e përfaqësoj, nëse unë jam paraqitur me aktivitete kulturore me projekte, çfarë duhet me bërë unë që me kaluar ai projekt.

z. Rrustem Zenuni- Përfaqësues i f. Duraj-anëtar i KK-PDK : Për mua shqetësim paraqet lista e gjatë e projekteve me kode. Ky është problem i madh, pasi që niveli qendror veç sa nuk na ka fshirë prej hartës buxhetore. Në vitin e kaluar kam pasur si kërkesë çështjen e ndërtimit të trotuarit prej Fushës së Pajtimit deri të restorant Natyrës, dhe nuk kam dashur me qenë as pjesë e seancës kur është shqyrtuar buxheti. Për neve të cilët jemi të asaj ane, e dimë rëndësinë e atij trotuari dhe rreziqet që mund të ndodhin. Të ky kod mendoj se shuma 70,000€ janë të pamjaftueshme. Mendoj se duhet bërë një rishikim, e tha edhe administratori i f. Doganaj. Në këtë shumë buxhetore të këtij projekti,

duhet patjetër me ndërhyrë. Vitin e kaluar e kam pasur kërkesë: rregullimin e terreneve sportive në f. Duraj. Këtë kërkesë e kam ngritur edhe ne debatin e kaluar, ndërkaq nuk është pashë në listë që është futur si kod. Kërkesë tjetër, është rregullimi i rrugicave f. Gabrricë dhe Elezaj, se kanë mbetur disa në gjysmë, besoj se me mundësitë që i kemi mund të bëhet diçka. Kërkesë tjetër, rregullimi i rrugës në f. Semajë dhe f. Gaçkë. Është punuar shumë në Semajë, por çështja është se duhet intervenuar ende që mos vjen deri të zbrazja e fshatit.

z. Sabedin Vishi Nënkryetar i Komunës: Sa i përket fushave të terreneve sportive, Rrustem kërkesat janë atë arsyeshme, por në përputhje me buxhetin. F. Duraj nuk mundemi me i dhënë prioritet, se këto janë për fusha të hapura. Për derisa të ju jemi në prag të përfundimit të sallës sportive, dikush me pasur edhe sallës të brendshme edhe të jashtme, duhet me përfshirë diku ku nuk kanë as sallë të jashtme as të brendshme. E kemi nisur me terrene sportive të jashtme, sivjet e përfundojmë terrenin sportiv të halla sportive. Kërkesat për rini, kulturë dhe sport, i marrim parasysh. Në vitin e kaluar ka pasur një kërkesë për kombi-bus për nevoja të rinisë, kulturës dhe sportit, sivjet është duke u realizuar. Të kodet buxhetore, është e vërtetë se janë tepër kode buxhetore që u theksua, mbetet me u diskutua. Të rritja e mjeteve për trotuar, e dhashë përgjigjen, por nuk me paske dëgjuar. Të çështja e kalimit të projekteve të OJQ që e përmendi Laureta, është thirrja publike për subvencione, deri tani të gjitha OJQ i subvencionojmë. Për vitin vijues, janë rritur subvencionet, bëhet thirrja publike dhe me projekte të arsyeshme, subvencionohen OJQ. Me Qëndrimin e kuptuam. Të çështja e ndriçimit publik, ka qenë një pengesë pa përfunduar të rryma, në momentin që përfundon, bëhet lidhja e të dy ndriçimeve publike. Buxheti për fëmijë me nevoja të veçanta, është shumë i arsyeshëm, është mirë drejtorët e shkollave me biseduar se e kanë buxhetin që e bëjnë planifikimin buxhetor, ata munden me bërë kërkesë DA për planifikim buxhetor varësisht prej numrit të nxënësve, se në të kundërtën mbesin pa buxhet. Rritja e numrit të shtretërve, është kërkesë shumë e arsyeshme, kërkesa duhet me u bërë të DA dhe besoj se realizohet. Një lajm i mirë që duhet të komunikoj Elmihanes për HANDIKOS, sa është përfunduar një projekt për objekt të HANDIKOS, në vlerë për 60,000€, 30,000€ prej një OJQ Amerikane dhe pjesën tjetër e ka ndarë komuna.

znj. Elmihane Malsiu- OJQ- HANDIKOS: E falënderoj Nënkryetarin për punën që e kanë bërë për objektin e HANDIKOS, besoj se ka me përfunduar shumë shpejtë. Arsyeja që po e marrë fjalën nuk është kjo, por çështja e objektit të QPS që është parapa. Ju e potencuat që nuk keni grante prej qeverisë që sa vite, e që projekti i QPS ka me zgjatur deri të realizimi. Punëtorët e QPS e kanë ngritur si shqetësim se nuk po kanë ku me mbajtur takime me fëmijë kur kanë takime me prindër, hapësirat aty nuk i plotësojnë kushtet. Do të ishte mirë qemë u bërë një vend jashtë asaj hapësire që ato shërbime me fëmijë me i kryer në atë hapësirë (një dhomë miqësore) diku, se objekti i QPS nuk ka mundësi të përfundoj para tre viteve. Ata të QPS nuk qenkan prezentë, ndërsa e kanë ngritur vazhdimisht këtë shqetësim. Tjetra është, subvencionet, në DSHMS nga 2015 asnjëherë nuk janë ngritur me tepër se 5,000€. Me pas pasur me tepër buxhet në këtë drejtori, ndoshta kishte pasur mundësi me intervenuar me i bërë disa ndryshime të cilat kanë nevojë.

z. Bahri Selimi: Shuma 10,000€ janë sivjet dhe 10,000€ janë në vitin e ardhshëm dhe OJQ e HANDIKOS është financuar çdo vit.

znj. Elmihane Malsiu- OJQ- HANDIKOS: Ne jemi financuar nga zyra e Kryetarit.

z. Bahri Selimi- Drejtor i Buxhetit dhe Financave: Juve nuk iu intereson se nga cili buxhet ne i marrim mjetet, se e di për çka e keni fjalën.

Elmihane Malsiu - OJQ- HANDIKOS: Unë për tjetër çështje e pata fjalën, u keqkuptova.

z. Kemal Murseli-Kryesuesi i Kuvendit: Subvencionet orientohen të Zyra e Kryetarit.

znj. Emona Deda nga OJQ- C.M.A NGO: Të çështja e subvencioneve që u tha se janë mbështetë krejt OJQ, se nuk janë mbështetur krejt OJQ. Ne kemi adresuar 2 herë kërkesa, dokumentet kanë qenë në rregull, ndërkaq nuk kemi marrë

Hafize Sallahi- drejtor i DKRS: Në kohën kur e publikojmë thirrjen për subvencione, të gjitha OJQ e komunës së Kaçanikut të cilat kanë vërtetim nga DKRS që janë të regjistruara në komunën tonë, kanë të drejtë aplikimi. Formohet komisioni i cili fillimisht e shqyrton dokumentacionin, pastaj e vlerëson projektin se cilit i jep prioritet. Të gjitha OJQ që kanë qenë të kompletuara me dokumentacion sivjet, janë subvencionuar, por jo aq sa kanë kërkuar, por sipas mundësive që kemi pasur si DKRS. E di rastin e juve, përgjigjen e keni marrë, ju keni bërë ankesë dhe juve iu ka munguar vërtetimi i DKRS. Herën e dytë me duket se keni aplikuar, kërkesa nuk ka pasur të bëjë me DKRS, por me Zyra e Kryetarit, për subvencionim të personave me nevoja të veçanta.

znj. Emona Deda -OJQ- C.M.A NGO: Për të parën e kemi marrë përgjigjen, por në kërkesën e dytë jo.

Hafize Sallahi-drejtor i DKRS: Kërkesa e dytë e juaja, nuk ka qenë në kompetencë të DKRS, nuk kam pasur qysh me ta kthyer përgjigjen, sepse subvencioni ka qenë prej zyrës së kryetarit.

z. Qëndrim Vogliqi- Administrator Gërlica e Epërme: Kur aplikon një OJQ, se herën e parë unë kam qenë menaxher i projektit dhe kur zyrtarët thonë se nuk ka nevojë me marrë atë dokument, atëherë aplikon pa atë dokument. Kur ju e refuzon një projekt që ka të bëjë me rini që me ta ngjallë vendin këtu, ndërsa iu jep para pensionistëve me shkuar ne deti, kjo nuk është në rregull.

z. Kemal Murseli-Kryesuesi i Kuvendit: Për ju vlerësimi është ashtu, jo për ne. Po të ndërpresë se etiketimet nuk lejohen në debat. Sa OJQ është në Kosovë, ne i subvencionojmë OJQ e Kaçanikut. Për atë arsye, kërkohet një vërtetim që është OJQ e Kaçanikut, se ka OJQ shumë të mëdha që t'i marrin krejt projektet.

znj. Hafize Sallahi- Drejtor i Kulturës, Rinisë dhe Sportit: Në rregullore është e përcaktuar kriter që OJQ të janë në komunën e Kaçanikut. E theksoj edhe kryesuesi i KK së nëse e heqim atë kriter, po iu garantoj që aplikojnë OJQ e mëdha, që i përfitojnë këto subvencione që i ndajmë. Kur jam ardhur drejtoreshë, e kam gjetur këtë kriter dhe me ka pëlqyer që me i subvencionuar vetëm OJQ e Kaçanikut. Vërtetimi duhet edhe i ministrisë edhe vërtetimi i komunës, e juve iu ka munguar vërtetimi i komunës. Sa i përket shoqatës së pensionistëve për Shqipëri, ata paguajnë një pjesë të mjeteve nga shoqata dhe një pjesë nga mjetet e tyre dhe tubojnë mjete në bizneset e Kaçanikut, ndërsa ne i subvencionojmë vetëm ditën botërore të moshuarve, e cila është në planin e aktiviteteve të drejtorisë. Krejt komunat e zhvillojnë këtë aktivitet, ndërsa ne vjet e kemi realizuar për herë të parë, Ditën botërore të moshuarve dhe është mirëpritur nga të gjithë qytetarët.

Diçka tjetër për këtë takim nuk pati, takimi u mbyllë nga Kryesuesi i Kuvendit në ora 12:50.

Procesmbajtës
Makfije Malsiu

Makfije Malsiu
















Kryesuesi i Kuvendit
Kemal Murseli



Kemal Murseli

Kaçanik, 08.09.2023

Lista e Pjesëmarrjes në Diskutim Publik të organizuar nga Kryesuesi i Kuvendit në bashkëpunim me KPF, për temën: Propozim Buxheti i Komunës së Kaçanikut për vitin fiskal 2024 dhe vlerësimet 2025-2026

Nr. rend.	Emri dhe Mbiemri	Përfaqësimi	Nënshkrimi
1.	FADIL VISHI	AD. DUBRAV	
2.	Shemil Hajdari	drejtor shkolle - Dubravë	
3.	BESNIK DEMO	A.D. BOB -	
4.	Altan Meziraja	Qytetar	
5.	HASIR SALIU	A.T.M. BASHKICË	
6.	Rnustem Zogjani	A. V.K.	
7.	FATMIR BURJAKU	K. K.	
8.	Emona Deola	C.M.A NGO	
9.	Samet Duma	drejtor i shkolles - Gllobogricë	
10.	Fitim Telmani	Drejtari i shkolles - Dogonj	
11.	KADRI KREVENJATA	ASAMBLEIST-KOMUNAL	
12.	Florina Lika-Vishu	Asambleiste	
13.	Arbata Prashmani	Asambleiste	
14.	IBRAHIM KRYEM	DEMOS	
15.	Qendrim Vogliqi	Kryetar i fsh. Gërlicë	
16.	AZEM KORAÇI	ADMINISTRATOR	
17.	NEXH MEDA	LIKA, STRAZHICË	
18.	SHABAN HORUNI	BIÇEC	
19.	Hysni Terzih	SHKOLLË	
20.	Vebi Berisha	Rumjorë	
21.	Laureta Vogliqi	Gërlicë e Epërme	

22.	FATMIR LUTA	AD. FSHIVAJE - GATRE	<i>[Signature]</i>
23.	Adnan Yllasnjigi	Ad. Fshatit ki shat	<i>[Signature]</i>
24.	Birliu Juranjigi	Drejtor i SHFEM "Dimitri Risti"	<i>[Signature]</i>
25.	Kaceli DARDI	ADMISTROT	<i>[Signature]</i>
26.	Ibrahim Dalkos	ADISTIA SEPONI	<i>[Signature]</i>
27.	Leonora Kurti	SHETPIA E SHPREKES	<i>[Signature]</i>
28.	Tara Adams	— II —	<i>[Signature]</i>
29.	Elmitiane Malsiu	Handikos Kacamik	<i>[Signature]</i>
30.	FATON SHEMA	— II —	<i>[Signature]</i>
31.	Fatlum Guri Selimi		<i>[Signature]</i>
32.	Dardana Dauti	DAP	<i>[Signature]</i>
33.	HATIRE SALLAH	DKRS	<i>[Signature]</i>
34.	PRANVERE ZHARKU	DZHEZ	<i>[Signature]</i>
35.	SUHAD DULLOVI	DBZHP-SO	<i>[Signature]</i>
36.	BAHRI SELIMI	D. FINANCARE	<i>[Signature]</i>
37.	Kemal Murseli	Kryesues i Kuvedit	<i>[Signature]</i>
38.	Gabodim Vishi	Nenkyelur	<i>[Signature]</i>
39.	Mahfuz Mahri	Zyrtar e KK	<i>[Signature]</i>
40.	Naser Murseli	Administratori fsh Dogan	<i>[Signature]</i>
41.	Marije Murseli	Asistente e Kryesuesit kuvedit	<i>[Signature]</i>
42.	Zejbike Dellova	Zyrtar IF	<i>[Signature]</i>
43.			
44.			
45.			